

## **Scéim Ath-Imlonnaithe do Mhúinteoirí Cáilithe Iarbhunscoile atá Iomarcach de thoradh ar Dhúnadh Scoileanna**

### **An comhthéacs**

De réir théarmaí *I dTreo 2016* tá na páirtithe tar éis a aithint gur riachtanach acmhainní a úsáid go héifeachtach chun gur féidir seirbhísí poiblí ardchaighdeáin a sholáthar agus, ó thaobh imlonnú múinteoirí i scoileanna de, go dteastaíonn socruithe éifeachtacha agus éifeachtúla i gcás go bhfuil an iomarca múinteoirí i scoileanna faoi leith. Sa chomhthéacs sin, thoiligh na páirtithe a bheith páirteach i gcainteanna chun socruithe nua a chomhaontú maidir le hath-implonú múinteoirí, sa chaoi go mbeidh na socruithe sin i bhfeidhm le linn scoilbhliain 2007/2008.

Chomhaontaigh na páirtithe ina dhiaidh sin gur ar bhonn sraithe a dhéanfar na cainteanna atá leagtha amach in *I dTreo 2016* a réachtáil agus gurb é an chéad ábhar a phléifear ná na socruithe a bheidh i bhfeidhm i gcás dúnadh scoile. B'eol do na páirtithe go raibh roinnt scoileanna chun dúnadh le linn thréimhse 2006/2007. Comhaontaíodh nach mbeadh aon tionchar ag na chéad cainteanna seo ar cibé cainteanna a leanfadh iad.

### **An Comhaontú**

Comhaontaíodh na socruithe seo a leanas idir na páirtithe maidir le gach scoil aitheanta dara leibhéal agus beidh feidhm leo i gcás múinteoirí cáilithe iar-bhunscoile, idir bhuanmhúinteoirí agus mhúinteoirí ar Chonradh Tréimhse Éiginnte (CTÉ) agus atá cuimsithe faoin Scéim Chomhréitigh do Mhúinteoirí agus atá iomarcach de thoradh ar dhúnadh scoileanna.

Ceapadh na socruithe chun go mbeidh rogha chomh fairsing agus is féidir ag a leithéid de mhúinteoirí agus roghanna acu i leith fostaíocht eile i gcás go mbeadh folúntais ann. Gabhann na socruithe seo in ionad gach comhaontú a rinneadh go dtí seo maidir le dúnadh scoileanna nó ath-implonú/aistriú mar gheall ar dhúnadh scoileanna.

- 1 Tar éis comhairliúcháin leis na páirtithe, ceapfaidh an tAire Stiúrthóir ar an Scéim Ath-implonáíochta ar a mbeidh sé de chúram an scéim a fheidhmiú de réir théarmaí an chomhaontaithe seo. Is féidir le gach comhlacht bainistíochta agus le gach ceardchumann múinteoirí comhairleoir don Stiúrthóir a cheapadh. Beidh an Stiúrthóir in ann teacht ar na comhairleoirí seo chun críocha comhairliúcháin de réir mar a thograíonn sé/sí.

Ní mór do gach scoil dara leibhéal aitheanta, nó, de réir is cuí, an Coiste Gairmoideachais lena mbaianeann, má tá iallach orthu chuige de réir théarmaí na scéime, Stiúrthóir na Scéime Athlonnaíochta a chur ar an eolas faoi gach folúntas ábhartha sa scoil. Beidh sé ina choinníoll i dtaca le líonadh a leithéid d'fholúntas gur cuireadh an Stiúrthóir ar an eolas chomh luath agus a tháinig sé chun cinn mar pháirt den phróiseas seo. Ní dhéanfar aon cheapachán gan sainúdarás scríofa an Stiúrthóra chuige sin.

2. Is iad na folúntais atá clúdaithe chun críocha na Scéime Ath-implonáíochta ná:

- Gach folúntas buan i bpoist lánaimseartha nó pháirtaimseartha \*
- Gach folúntas sealadach nua (seachas folúntais ionadaíochta a chruthaítear mar gheall ar shosanna gairme, ar iasachtaí, ar phost-roinnt, ar shaoire bhreiteachta agus ar shaoire mháithreachais) i bpoist lánaimseartha nó páirtaimseartha
- Poist nach mór iad a athfhógairt toisc nach bhfuarthas múinteoir cuícháilithe
- Poist shealadacha (seachas folúntais ionadaíochta a chruthaítear mar gheall ar shosanna gairme, ar iasachtaí, ar phost-roinnt, ar shaoire bhreiteachta nó ar shaoire mháithreachais) i gcás go bhfuiltear ag súil go mairfidh an post agus go bhfuil an múinteoir atá ar seirbhís sa phost sin ina c(h)éad bhliain seirbhíse.

\* Déanfaidh na páirtithe athbhreithniú ar chás múinteoirí CTÉ i scoileanna glactha a bhfuil a líon uaireanta an chloig faoi bhun an iomláin. Déanfar é sin i gcomhthéacs na gcainteanna leanúnacha maidir le feidhmiú *An tAcht um Chosaint Fostaithe (Obair Théarma Shocráithe) 2003*.

3. I gcás gach poist nó gach cuid de phost a chuimsítear faoin Scéim Ath-implonáíochta, déanfaidh an t-údarás scoile, nó an Coiste Gairmoideachais, de réir mar is cuí, an chúis atá leis an gceapachán atá beartaithe a chur in iúl agus cuirfidh siad a roghanna féin in iúl maidir le hábhair/cláir i dtaca le líonadh an fholúntais de. Is féidir go gcuirfidh an Stiúrthóir iallach ar scoil nó ar Choiste Gairmoideachais aon eolas breise a nochtadh a mheasann sé/sí a bheith riachtanach ar mhaithe le feidhmiú éifeachtach na scéime.
4. Déanfaidh údarás scoile na scoileanna atá le dúnadh an Stiúrthóir a chur ar an eolas faoi shonraí na múinteoirí atá le hath-implonú go scoil eile.
5. Cruthóidh an Stiúrthóir painéal múinteoirí atá le hath-implonú.
6. Féadann an Stiúrthóir, i ngach cás, múinteoir a chur i scoil laistigh de 50 ciliméadar ón scoil ina bhfuil sé/sí faoi láthair nó pé fad óna (h)áit chónaithe a iarrann an múinteoir féin.
7. Déanfaidh an Stiúrthóir a d(h)ícheall, oiread agus is féidir, múinteoirí iomarcacha a ath-implonú de réir riachtanais churaclaim na scoileanna agus de réir cháilíochtaí agus thaithe theagaisc an mhúinteora.

8. I gcás múinteoir atá in earnáil na bPobalscoileanna agus na Scoileanna Cuimsitheacha, déanfaidh an Stiúrthóir an múinteoir sin a chur sa phost is oiriúnaí, dar leis an Stiúrthóir, agus aird aige/aici ar na tosca seo a leanas:
- riachtanais churaclaim na scoile
  - rogha an mhúinteora i gcás go mbeadh níos mó ná post amháin ann
  - taithí theagaisc an mhúinteora agus na scoileanna a raibh sé/sí iontu go dtí seo a chur san áireamh
  - an méid ama a chaithfeadh an múinteoir ag taisteal
  - aon toisc eile a mheasfaidh an Stiúrthóir a bheith ábhartha.
9. (a) I gcás múinteoir in earnáil na Meánscoileanna Deonacha, déanfaidh an Stiúrthóir ar an gcéad ásc agus más indéanta, an múinteoir sin a chur sa phost is oiriúnaí san earnáil Mheánscolaíochta agus aird aige/aici ar na tosca seo a leanas:
- riachtanais churaclaim na scoile
  - rogha an mhúinteora i gcás go mbeadh níos mó ná post amháin ann
  - taithí theagaisc an mhúinteora agus na scoileanna a raibh sé/sí iontu go dtí seo a chur san áireamh
  - an méid ama a chaithfeadh an múinteoir ag taisteal
  - aon toisc eile a mheasfaidh an Stiúrthóir a bheith ábhartha.
- (b) I gcás nach bhfuil, dar leis an Stiúrthóir, a leithéid de phost ar fáil in earnáil na Meánscoileanna Deonacha, déanfaidh an Stiúrthóir an múinteoir sin a chur i bpost in earnáil na bPobalscoileanna agus na Scoileanna Cuimsitheacha nó san earnáil Choiste Gairmoideachais agus aird aige/aici ar na tosca seo a leanas:
- riachtanais churaclaim na scoile
  - rogha an mhúinteora i gcás go mbeadh níos mó ná post amháin ann
  - taithí theagaisc an mhúinteora agus na scoileanna a raibh sé/sí iontu go dtí seo a chur san áireamh
  - an méid ama a chaithfeadh an múinteoir ag taisteal
  - aon toisc eile a mheasfaidh an Stiúrthóir a bheith ábhartha.
10. (a) I gcás múinteoir atá san earnáil Choiste Gairmoideachais, agus i gcás nach mbeadh folúntas oiriúnach sa scéim Choiste Gairmoideachais sin ar an gcéad ásc, déanfaidh an Stiúrthóir, más indéanta, an múinteoir a chur sa phost in oiriúnaí san earnáil Choiste Gairmoideachais agus aird aige/aici ar na tosca seo a leanas:
- riachtanais churaclaim na scoile
  - rogha an mhúinteora i gcás go mbeadh níos mó ná post amháin ann
  - taithí theagaisc an mhúinteora agus na scoileanna a raibh sé/sí iontu go dtí seo a chur san áireamh
  - an méid ama a chaithfeadh an múinteoir ag taisteal
  - aon toisc eile a mheasfaidh an Stiúrthóir a bheith ábhartha.
- (b) I gcás nach mbeadh, dar leis an Stiúrthóir, a leithéid de phost ar fáil san earnáil Choiste Gairmoideachais, déanfaidh an Stiúrthóir an múinteoir a chur i bpost san

earnáil Phobail agus Chuimsitheach nó san earnáil mheánscolaíochta, agus aird aige/aici ar na tosca seo a leanas:

- riachtanais churaclaim na scoile
- rogha an mhúinteora i gcás go mbeadh níos mó ná post amháin ann
- taithí theagaisc an mhúinteora agus na scoileanna a raibh sé/sí iontu go dtí seo a chur san áireamh
- an méid ama a chaithfeadh an múinteoir ag taisteal
- aon toisc eile a mheasfaidh an Stiúrthóir a bheith ábhartha.

11. Le linn dó/di a bheith ag déanamh cinntí maidir le hath-implonú, beidh aird ag an Stiúrthóir ar thionchar foriomlán na hath-implonáíochta ag leibhéal na scoile agus cé chomh hinmhianaithe is atá sé a dheimhniú, oiread agus is féidir, nach mbeidh ar aon scoil faoi leith glacadh, in aon bhliain amháin nó thar thréimhse roinnt blianta, le líon múinteoirí ath-implonaithe atá ar neamhréir lena líon folúntas. Chomh maith leis sin, in aon tréimhse ceithre bliana, ní líonfar os cionn 50% d'fholúntais na scoile tríd an scéim ath-implonáíochta.
12. Agus aird chuí á tabhairt ar na socruithe seichimh agus tosca eile atá imlínithe sa doiciméad seo, i gcás nach féidir leis an Stiúrthóir múinteoir a chur i bpost oiriúnach go héasca, beidh sé de lánrogha aige/aici an múinteoir a chur sa scoil is fearr a bhfuil a riachtanais churaclaim ag teacht, dar leis an Stiúrthóir, le cáilíochtaí agus le taithí mhúinteoireachta an mhúinteora. Má tharlaíonn go mbeidh riachtanas curaclaim iarmhartach sa scoil de thoradh ar chinneadh ath-implonáíochta, tá cead ag an scoil sin iarratas a dhéanamh faoin ngnáthphróiseas lamháltais curaclaim.
13. Deimhneoidh an Stiúrthóir dó/di féin go mbeidh meas ag an múinteoir atá á (h)ath-implonú ar éiteas na scoile a mbeidh sé/sí á (h)ath-implonú inti agus go dtoileoidh an múinteoir meas a bheith aige/aici ar éiteas na scoile.
14. Beidh gach ath-implonú a dhéanfaidh an Stiúrthóir ceangailteach ar na páirtithe uile agus ceapfar an múinteoir ar fhoireann teagaisc na scoile glactha mar fhostaí de chuid an bhoird bainistíochta nó an Choiste Gairmoideachais, de réir mar is cuí, agus, faoi réir théarmaí alt 15, beidh sé/sí faoi rialú na dtéarmaí agus na gcoinníollacha atá infheidhmithe san earnáil sin.
15. Déanfaidh múinteoirí a ath-implonófar de thoradh na socruithe seo pé seirbhís mhúinteoireachta ináirithe a bhí acu chun críocha ardú céime sa scoil dhúnta a aistriú go dtí an scoil ghlactha agus beidh an tseirbhís sin ináirithe chun críocha ardú céime sa scoil ghlactha. Tá eisceacht amháin air sin: múinteoir ar bith atá á (h)ath-implonú ó mheánscoil dheonach dhúnta go dtí an mheánscoil dheonach a ghlacann leis/léi, ní aistreoidh sé/sí seirbhís mhúinteoireachta ináirithe chun críocha ardú céime.

16. Coinneoidh gach sealbhóir poist (lena n-áirítear Príomhoidí agus Leas-Phríomhoidí) a liúntas post freagrachta tar éis a n-ath-implonaithe agus ní bheidh aon tionchar ar theidlíochtaí na scoile glactha ar phoist freagrachta de réir an sceidil chomhaontaithe ar feadh tréimhse seacht mbliana. Bíodh sin mar atá, ní dhéanfar poist ag leibhéal an Phríomhoide agus an Leas-Phríomhoide a líonadh faoi bhun na scéime seo. Beidh ar shealbhóirí poist dualgais bhainistíochta a chur i gcrích sa scoil glactha de réir riachtanais na scoile sin.
17. Beidh cead ag na páirtithe ar iarratas múinteoir ath-implonaithe nó ar iarratas scoil glactha, athbhreithniú a lorg ar chinneadh ath-implonáíochta de chuid an Stiúrthóra faoin 31 Márta den bhliain tar éis don ath-implonú a bheith curtha i gcrích. Le linn don Stiúrthóir a bheith ag déanamh an athbhreithnithe, beidh aird aige/aici ar conas a cloíodh le téarmaí na scéime, chomh maith le tosca ábhartha eile ar bith a ardóidh na páirtithe. Beidh sé de lánrogha ag an Stiúrthóir an t-ath-implonú a dheimhniú nó ath-implonú leasaithe a chur ina ionad de réir théarmaí na scéime.
18. I gcás go ndúntar scoil, beidh Snáithe 3 den scéim luathscoir ar fáil do mhúinteoirí de réir fhorálacha na scéime sin. Tá sin amhlaidh faoi réir aon athbhreithnithe a dhéanfar amach anseo nó faoi réir aon athraithe ar théarmaí na scéime luathscoir. Sa chomhthéacs seo, tugann na páirtithe dá n-aire gur cuireadh síneadh ama leis an scéim reatha i gcomhair scoilbhliain 2007/2008.
19. Déanfaidh na páirtithe a ndícheall chun go bhfeidhmeoidh na próisis leithdháilte agus ath-implonáíochta go héifeachtach is go tráthúil agus go dtabharfar oiread foláirimh agus is féidir maidir le frámaí ama ar bhonn bliantúil.
20. Is féidir go ndéanfar an scéim seo a athbhreithniú ar iarratas ceann ar bith de na páirtithe gan dochar don toradh a bheidh ar chainteanna amach anseo faoi bhun *I dTreo 2016* ná aon chomhaontú a dhéanfar ina dhiaidh.